

***Երկրաշարժից անօթևան տասնյակ ընտանիքներ
գրկված են բնակարան ստանալու իրավունքից***

ՀՀ նախագահ Մերժ Սարգսյանին
ՀՀ վարչապետ Տիգրան Սարգսյանին

Դիմում-ուղերձ

ՀՀ կառավարության՝ աղետի գոտում երկրաշարժի հետևանքով անօթևան մնացած ընտանիքների հաշվառման կարգը սահմանող որոշումներում փոփոխություններ կատարելու անհրաժեշտության մասին

Հարգելի պարոն նախագահ և պարոն վարչապետ
Բոլորիս է հայտնի, որ հետերկրաշարժյան տարիներին հիմնականում սոցիալ-տնտեսական ծանր պայմանների, գործազրկության և անօթևանության պատճառով Հայաստանից ու հատկապես աղետի գոտուց հազարավոր ընտանիքներ արտագաղթեցին: Նրանց թվում կան հարյուրավոր այնպիսի ընտանիքներ, որոնք երկրաշարժին բնակարան էին կորցրել, սակայն մինչև օրս պետության կողմից չեն փոխհատուցվել: Իսկ նման ընտանիքներից շատերը, վերահաշվառման ժամանակ բացակայելով Հայաստանից, հաշվառված չեն հերթացուցակներում եւ փաստորեն գրկված են բնակարան ստանալու իրավունքից, քանի որ աղետի գոտում երկրաշարժի հետևանքով անօթևան մնացած ընտանիքների հաշվառման կարգը սահմանող կառավարական որոշումներով դիմումների ընդունման վերջնաժամկետ էր նշանակվել 2008 թ. դեկտեմբերի 15-ը:

Ավելին, նույն որոշումների համաձայն՝ սահմանված ժամկետում դիմում չներկայացրած անձանց նկատմամբ բնակարանների արտահերթ հատկացման մասով պետական աջակցության պարտավորությունները համարվում են դադարեցված: Ցավոք, այս որոշումը տարածվում է նաև 2008-ից հետո հայրենիք ներգաղթած տասնյակ անօթևան ընտանիքների վրա, ինչի պատճառով աղետի գոտում վերջին երկու տարիներին հայրենիք վերադարձած փաստացի անօթևան, սակայն անօթևանի կարգավիճակից գրկված ընտանիքները պարտադրված են կրկին հեռանալ Հայաստանից: Ի դեպ, ներգաղթած ընտանիքներից շատերը չունեն անգամ ժամանակավոր կացարաններ և բնակվում են հարազատների կամ վարձակալած բնակարաններում:

Ուստի դիմում ենք Ձեզ՝ ակնկալելով, որ ՀՀ կառավարությունը շուտափույթ կերպով կանդրադառնա վերը շարադրված հիմնախնդրին և հաշվառման կարգի վերաբերյալ որոշումներում անհրաժեշտ փոփոխություններ կատարելով՝ երկրաշարժի պատճառով անօթևան մնացած, սակայն Հայաստանից ժամանակավորապես բացակայելու և տարաբնույթ այլ պատճառներով հաշվառումից դուրս մնացած ընտանիքներին հնարավորություն կտա օգտվելու անօթևանների հերթացուցակներում հաշվառվելու և կորցրած բնակարանի դիմաց փոխհատուցվելու իրավունքից:

«Շիրակ կենտրոն» ՀԿ
Գյումրի, 06.12.2010թ.

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՔԱՂԱՔԱՆԻՆՈՒԹՅԱՆ ՆԱԽԱՐԱՐՈՒԹՅՈՒՆ

ՆԱԽԱՐԱՐԻ ՏԵՂԱԿԱԼ



РЕСПУБЛИКА АРМЕНИЯ
МИНИСТЕРСТВО ГРАДОСТРОИТЕЛЬСТВА

ЗАМЕСТИТЕЛЬ МИНИСТРА

REPUBLIC OF ARMENIA
THE MINISTRY OF URBAN DEVELOPMENT
DEPUTY MINISTER

37510, ք. Երևան, Հանրապետության հր.
Կառավարության տուն 3
37510, г. Ереван, пл. Республики,
Дом Правительства 3
Government House 3, Republic Square,
Yerevan 375010
FAX (3742) 523200

21.01.14 N 03/13.1/143-11

Ձեր N առ:

«Շիրակի մարզ, ք. Գյումրի,
«Շիրակ կենտրոն» ՀԿ նախագահ
պարոն Վ.Թումասյանին

Հարգելի պարոն Թումասյան

Ի կատարումն «Վարչապետի 2010 թվականի դեկտեմբերի 24-ի N 02/24.11/16699-10 և «Նախագահի աշխատակազմի ղեկավարի 2011 թվականի հունվարի 17-ի N Դ-31 հանձնարարականների» քննարկելով Ձեր 2010 թվականի դեկտեմբերի 6-ի դիմում-ուղերձում բարձրացված՝ երկրաշարժի հետևանքով անօթևան մնացած, սակայն Հայաստանի Հանրապետությունից ժամանակավորապես բացակայելու և այլ պատճառներով հաշվառումից դուրս մնացած ընտանիքների անօթևանների ցուցակում ընդգրկելու և կորցրած բնակարանի դիմաց փոխհատուցումից օգտվելու հնարավորություն ընձեռնելու նպատակով «Կառավարության համապատասխան որոշումներում փոփոխություն կատարելու վերաբերյալ հարցը, հայտնում եմ.

ներկայումս աղետի գոտու բնակավայրերում երկրաշարժի հետևանքով անօթևան մնացած ընտանիքների բնակապահովմանն ուղղված ծրագրերն իրականացվում են «Կառավարության 2008 թվականի հունիսի 12-ի նիստի N 23 արձանագրային որոշմամբ հավանության արժանացած աղետի գոտու բնակավայրերում երկրաշարժի հետևանքով անօթևան մնացած ընտանիքների բնակարանային խնդիրների լուծման նկատմամբ հայեցակարգի դրույթներով ձևավորված պարտավորությունների շրջանակներում: Հայեցակարգի դրույթների համաձայն նշված ընտանիքների բնակարանային խնդիրներն իրենց լուծումը կստանան մինչև 2013 թվականը:

Անօթևան մնացած ընտանիքների բնակարանային խնդիրների լուծմանն ուղղված ծրագրերի արդյունավետության ապահովման նպատակով անօթևան ընտանիքների հաշվառման վերաբերյալ հստակ տեղեկատվություն ունենալու համար, հաշվի առնելով ժամանակի ընթացքում հաշվառված ընտանիքների թվի հնարավոր փոփոխությունները, «Կառավարության 2008 թվականի սեպտեմբերի 11-ի N 1024-Ն որոշմամբ քաղաքային բնակավայրերում երկրաշարժի հետևանքով անօթևան մնացած ընտանիքների վերահաշվառման վերջնաժամկետ է սահմանվել 2008 թվականի նոյեմբերի 1-ը և «Կառավարության 2008 թվականի նոյեմբերի 13-ի N 1337-Ն որոշմամբ աղետի գոտու գյուղական բնակավայրերում 2008 թվականի դեկտեմբերի 15-ը:

Ընդ որում, այդ ժամկետում սահմանված կարգով դիմում չներկայացրած անձանց նկատմամբ աղետի գոտու բնակավայրերում բնակարանների արտահերթ հատկացման մասով պետական աջակցության ցուցաբերման պարտավորությունները համարվում են կատարմամբ դադարեցված:

Ելնելով վերը շարադրվածից, Ձեր դիմում-ուղերձում բարձրացված հարցի քննարկմանը հնարավոր է անդրադառնալ 2013 թվականից հետո՝ վերը նշված հայեցակարգով երկրաշարժի հետևանքով անօթևան մնացած, սահմանված կարգով բնակարան արտահերթ ստանալու համար հաշվառված անձանց բնակապահովման նկատմամբ ձևավորված պարտավորությունները կատարելուց հետո:



Ա. Հակոբյան